



Henōtikon siue Pacificatorivm Dissecti Belgii

Afhakker, Aegidius

Vrsellis, 1618

Capvt VIII. Examinatur sententia Teelingij.

[urn:nbn:de:hbz:466:1-64709](https://nbn-resolving.de/urn:nbn:de:hbz:466:1-64709)

grauis censura, determinet, debet Magistratus ob Ecclesiæ pacem non turbandam ei cedere, si pauci sint, in quos illa censura fertur: si autem multi sint, ita ut per censuram illam schisma causetur, tum debere Magistratum se illi sententiæ opponere, eiusque retractionem postulare, & damnatos defendere, si adhibitis debitiss medijs non possit Magistratus assertiri Ecclesiæ; tamen non solum Ecclesiam, sed quemlibet particularem hominem posse iterum secundum Scripturam examinare iudicium Magistratus, eiique improbato repugnare, & ab Ecclesia posse Magistratum excusumnicari, nullum autem esse hominibus aliud pacis remedium, sed omnia sic committenda esse Deo, ut ipse tunc immediatè Ecclesiæ suæ succurrat, & suo tempore retribuat peccantibus.

Non multum dissimilem de componendis Ecclesiæ dissidijs fuisse Arminij sententiam, patet ex oratione eius de qua parte prima Anno 1605.

C A P V T VIII.

Examinatur sententia Teelingij.

Sed isthac Teelingij doctrina multos eos, que grauissimos patitur defectus, quos ut deuita-

Pag. 331.
& 332.

Pag. 335.

dinitarent alij, priores concordia in eundem modos videntur excogitasse. Nec difficilis est censura. Primo enim vana est prorsus, & absque omni soliditate infinitas creat molestias. Nam ubi pars vna ita se existimat clarè veritatem ex Scripturā deduxisse, ut nisi cum pertinacia dissentire nemo possit, qui Scripturæ istam testificationem inspexerit (si enim hoc non fecerit, nihil certò definire potest) simulā que hanc suam deductionem parti aduersus proposuerit; qui fieri potest, ut, si nihilominus pars ista ob allegata testimonia à contraria sententia non dilcedat, non ex prauo quodam affectu procedere iudicetur. Sic si Magistratus causam suæ sententiaz ita manifeste se credat concilio ex Scriptura declarasse, & nihilominus concilium sententiam contrariam veram esse determinauerit, præsumet Magistratus meritò defectum aliquem inuidiaz, odij, superbiae, aut alium quempiam huiusmodi concilij Iudicium corrupisse, adeoque tanquam illegitimum retractari postulabit, nec retractionis huius ullus erit finis, quādū Magistratus sententiam suam clarè esse ex Scriptura deductionem existimauerit. Ex altera parte concilium ex suæ deductionis claritate idem de magistratu censembit, atque ideo eundem monebit synodus, ut sanius iudicet, & benè profunde conscientiam eius rarerget, ut diligenter causeat, ne manus injiciat in sponsam dilectā

D.N.

Pag. 335.

D. N. I E S V C H R I S T I. Certè Conc. Trid. multis integris annis tanta cum ordinatione, tanta cum pietate, tot orationibus & ieuniis tam diligenti omniū rerum examine fuit celebratum, vt si quod vñquam post Apostolorum tempora legitimum fuerit in Ecclesia Concilium, id esse Trident. negare, aut ambigere iure nemo possit. Imò notus mihi est, qui cum Calvinianæ Religionis non mediocris doctrinæ esset Theologus, oblatumque sibi alicubi, vt legeret Concil. Triden. cum risu, etiam vix legere dignatus, acceptasset, sola isthac lectione ad religionem Catholicam sic conuersus. Si tamen aduersus hoc concilium tā multa omnes deblaterāt sectarij, an perādum est, vt magistratus nullum omnino defectum subesse credat, vbi synodus quamlibet contra clara scripturæ testimonia sententiam dixisse crediderit.

Secundò: Cum effectus seu finis concilij sit doctrinæ in Ecclesia vnitas, schismatū, tumultuum bellorumq; remotio: tantum abest, vt hæc bona ex hac Teelingij doctrina sperari possint, vt contraria potius infallibiliter ex ea proueniant. *Quis enim non videat armari hac viâ magistratum iusto bello (quod intermittere non debeat) aduersus Ecclesiam, non minus quam hanc contra illū; imò quemuis prouatum hominē aduersus Magistratum & Ecclesiā. Quid enim; si, vbi synodus omnibus tē*

tatis medijs, adduci nō potest, vt cū magistratu cōsentiat, sed fidel quandā veritatē tanquā Ecclesiæ ædificationi necessariam sub anathemate, aut alia quadā graui cēsura determinat; si inquā magistratus omni similiter diligētia adhibita, synodū errasse ex cōscientia sua iuxta scripturæ iudicium crediderit: quid cōsilij quo minus arma aduersus Ecclesiā corripiat. Urgebit certè magistratū conscientia, & per eā lex diuina, vt veritatē populūq; contra synodi censuras tueatur, falsamq; doctrinam cū synagoga Satane exterminet. Synodus contra Magistratū tanquā persecutori, & tyrāno armis suis spiritualibus repugnare, à veritatis prædicatione non desistere tenebitur. nec lex erit vlla, aut iudex in terra, qui litem dirimat. Ita scriptura S. iudice incutibilis belli gerēdi necessitas, eaq; vtrīm q; iustissima & magistrati & Ecclesiæ imponetur: quo quid absurdius excogitari potest? Vedit hanc absurditatē ipse Teelingius, eamq; inter multas distinctiones, & ambages partim dissimulat, partim ad immediatā Dei prouidentiā cōfugiēs infallibili quocā (quod hactenū negauerat) sed Chimerico cōcilio præcauēdam firmiter se credere simulat, cū pag. 330. vtrāq; partē, ait, certò sibi posse persuadere, si ex bona cōscientia, & intentione simplici ac recta instructionis media & adhibeant & admittant, Deum eorum labori optatū effectū largiturum. Quid autē per hūc effe-

Mat. 28.

19.

effectum intelligat mox subdit; nam nullatus cogitandum est Dominum Iesum Christum qui promisit se cum sua Ecclesia futurum usq[ue] ad mundi finem, eidem in tam singulari ac ardua necessitate non adfuturum ad reuelandam omnium conscientijs veritatem; si modo debitè & bona fide excitauerint bonum Dei spiritum, qui in eis habitat. Nam 1. Conditio hæc raro ab utraque dissidentium parte impletur. 2. Si nihil certo credendum, nisi quod manifestè ex Dei verbo educitur. Cur adeo sibi certo persuadet Telingius omnium dissidentiū conscientijs veritatem immediatè à Deo reuelandam? An quia Ecclesiæ suæ Christus se semper adfuturum promisit? cur ergo eidem tot ante Lutherum saeculis non adfuit? Nunquid maius incommodum in Ecclesiam ingrueret, si politicus eam Magistratus gladio persequetur, quam cum mille & amplius annis meretricis Babylonicae beneficijs ac fornicatione corrupta in Satanæ Synagogam transformatur? ubi tunc erat Christus? Aut si tantopere à magistratu politico Ecclesiæ salus dependeat, ut nisi cù eo pacem habeat, subsistere nequeat, quid mirum si Remonstrantes politico magistratui supremam in Ecclesia potestatem attribuant? Cur andū quoq[ue] diligenter erit cuilibet politico principi, ne reformatores istos in Rép. permittat irrepere, qui enim religionem suā saluam esse posse diffidunt, nisi

a poli-

à politico magistratu fulciatur, ingens equidē ad affectandam tyrannidē habent incitamētum. Nos certè degenerem huiusmodi Ecclesiam Dei non agnoscimus; nobiliorem volūmus Christi spōlam, eam scil. quæ fundata super firmam petram h̄eresum maledicta nouit contemnere, persecutionū procellas quātumvis maximas, omnesq; inferorum portas vinci nēcia spernere, quæ primis à Christo 300. annis, vniuerso eam terrarum orbe ferro, & igni persequente, frementibus ubiq; Diocletianis & Neronibus, proprio purpurata sanguine ad hanc, quam omnes ei modo inuidet h̄eretici, gloriā exurrexit. Adfuit ei semper Christus sponsus fidelis, non tamen eo modo, vt dissidentes ab ea politicos principes ipse sine medio veritatem docuerit, sed vt per eā Euangeliō suo illis explicato, vel dociles subiectosq; aggregaret Ecclesiæ eidem suæ discipulos, vel superbos ac tyrannide luxurientes suorum patientia confunderet inimicos. Frustra ergo ex perpetua Christi in sua Ecclesia præsentia certo sibi persuadet omnium conscientijs veritatis futuram à Deo reuelationē.

Tertiū: Posito etiam siue casu siue per miraculum isto magistratus cum synodo consensu, aliud adhuc absurdum remanet, idque longè maximum; sententiæ videlicet ita etiā vnanimiter latæ incertitudo, adeo ut nemo, vel ex infima ac rudissima plebe ei suam con-

S

formare

formare opinionem tutò possit, nisi (vbi ipse
decretū de integro examinauerit) per omnia
S.literis inueniat consentaneū; quod si ita esse
non comperiat, salua conscientia rei sc̄ere sen-
tentia, & magistratus & Ecclesiaz libere po-
sit ac debeat, suamq; propriam, quam ipse sa-
cris literis conformem existimat, constantet
tueri. Hæc omnia apertè ipse Teelingius fat-
tur, & probare nititur ex professo *ca. 28. sct. 3.*
statuitq; neminem posse aliunde firmum,
certum, solidum ac infallibile, quale ad fidem
requiratur, medium cognoscendæ veritatis
diuinæ habere nisi ex sola S.Scriptura, adeoq;
nulli vel concilio, vel Ecclesiaz credendū esse,
nisi ad scripturam à quolibet fuerint exami-
nata. Atq; ita redit nobis eadē quæstio de co-
ponendo dissidio inter quemlibet ex populo
& concilium, quæ antea de Magistratu & con-
cilio mota erat. Si enim Magistratus salua co-
scientia & potuerit & debuerit à concilio di-
uersam sequi sententiam, eo quod concilium
ex hominibus errori obnoxij constatum, fal-
li posset, ipse autem melius se ex S.literis edo-
cium crederet; dubium non est, quin morta-
lium nemo assentiri Ecclesiaz determinationi
teneatur, si diligenti pro conditione sua ex-
amine facto, aliter se ex Scripturis intellectus
arbitretur. Licebit itaque huiusmodi homini
contrariam toti mundo sententiam defende-
re, secessionem bona conscientia ab Ecclesia
facere,

Pag. 252.
sqq.

facere, discipulos suæ opinionis colligere, Ecclesiam ac Magistratum hæresios & apostasiæ condemnare: uno verbo; Lutherum agere. Nec erit inter homines aliquis, qui vel ex Dei verbo, vel ratione evidenti infallibiliter hūc hominem erroris, ac contumaciæ queat convincere. Cū enim omnes homines errori sint obnoxij; & quantumuis putent Scripturā verbo ac sensu apertissimis veritatem contra talē hominem expressisse, in hac sua opinione possint falli, ita ut Scripturæ aliis sit sensus, quam ipsi putant, incertum & fallibile manet eorum Iudicium, iuxta illud Teelingio valde familiare, *omnis homo mendax, & magni etiam homines falli possunt.* Nec prodest respondere quædā in Scriptura ita esse manifestè declarata, ut abīq; contumacia nemo dissentire, aut alii sensum ijs affingere valeat; atq; adeo in his errātem instruendū prius esse, ac deinceps in errore persistentē tanquā af okatakriton hæc, id est, præfatos cōdemnandum. Nihil inquam hoc iu. *prio iudicia condemnatum.* Nam experientia docet plurima, quæ vni videtur in Scripturis extra omnē controuer- siam clarissima, quibus absq; contumacia cō- tradici nihil possit, eadē ab alijs secura cōsciētia post multorum etiam annorū diligentissi- mum studium, post lectas relectasq; integras verbi Diuini literas, non tantum videri ob- scura, sed etiam pro sua contraria sententia apertissima. Exemplum esto tot annorum in-

ter Remonstrantes ac Contra-Remonstrantes tot scriptis vtrumque libris, tot citatis Scripturæ testimonijs disputatio; exemplum item plurium annorum vtriusq; partis aliorumq; sectariorum cum Catholicæ Ecclesie defensoribus de plurimis Sacræ Scripturæ Jocis dissidium. Damnat pars vtraque aduersariam contumaciæ; manifestè (quantum quidem existimat) Scripturæ veritati subnixa. Certum interim est, alteram contumaciæ non esse. Quænam verò sit ista, quis lude terminabit? Si dicas Scripturam stare claram pro tua parte; vide ne erres; homo enim es errori obnoxius; & plurimi, qui id ante tecum dixerant, nunc mutata sententia palinodiam cecinerunt.

Quatum idque præcipue deplorandum ex ijdem iam positis à Teelingio principijs absurdum consequitur: scil. Neminem mortalium ullum habere suę fidei firmum fundatum, omnes omnino homines, ipsum etiam VVilhelmum Teelingum de sua fide meritò debere vacillare, & si quis certū se dicat de suæ fidei veritate, illum eo ipso manifesti erroris conuinci posse. Hanc extremam lane miseriam dum Teelingius studet effugere, cum cap. 28. sect. 3. in ualidata Ecclesiæ tanquam hominum autoritate fallibili, solam S. Scripturam dono S. Spiritus probe intellectā pro firmo solidōq; medio indubitatae (pro qua

mori

mori quis debeat) fidei tenendam esse statuit, nimis profecto imprudus vltro incurrit. Vedit etiam se eam incurrisse, subitoque fas-
sus mox iterum negauit. Nam pag. 257. cum
sibi obiecisset quemlibet priuatum hominē,
iuxta traditam à se doctrinam, facilē propriā
è S. literis contra vniuersam Ecclesiam exco-
gitaturum sententiam, putaturumq; etiam se
Spiritum Dei habere, respōdet, vnumquem-
que debere cautē diligenterq; attendere (agi
enim de animabus) ne decipiatur, ideoque
iuxta S. Pauli doctrinam debere se frequen-
ter probare, an sit in fide debere etiam Eccle-
siam quemlibet ad hoc faciendum admon-
nere: sed amplius (ait) nihil ex parte homi-
num medijs spiritualibus fieri in hac re potest;
nullum aliud effugium hominibus hic in terris à
Deo in hac re concessum est: supremum, & in
quo solo particularis quisque fundare se potest,
est testimonium Spiritus Sancti ex Sacris literis
cuiusque particularis hominis conscientia fa-
ctum, hoc transcendent omnes hominum determi-
nationes. Si putat homo se testimonium Spir-
itus ex sacris litteris prosua parte habere, &
tamen decipitur, non aliud est remedium, quam
quod à nobis supra indigitatum est, vt talis quis-
piam sanius sapiat. Deus in terra vltorius re-
medium nullum dedit, quo homines de facto or-
thodoxos eiusdemque sententiae redderet: istud
incommodeum Deus adhuc relinquit filijs homi-

2. Cor. 13. 5.

num propter peccata ad humilationem eorum,
 & omnino frustra laboratur dum quidam co-
 nantur aliud adhuc quipiam exquirere quo
 inter Christianos omnia accommodari cuncta
 que dissensiones finiri possent Deinde, ut ha-
 beat socios in miserijs, conatur probare eis
 apud Catholicos huiuscmodi esse fidei in-
 certitudinem, quod eius argumentum nos in
 fra examinabimus. parte 4 cap 7. Tandem co-
 cludit: In hoc ergo versatur negotij cardavit quis
 que diligenter attendat ne in iudicio suo decipa-
 tur & amplius nihil hac in re miseri ac defetti-
 biles hominum filij possunt efficere. Profecto
 ter miseri hominum filij si ita se res habet.
 Quis enim ubi didicrit impossibile esse sine
 (recta) fide placere Deo simulque crediderit
 post breuem caducamque hanc vitam ijs qui
 Deo non placent, æternum cum Diabolo &
 Angelis eius paratum esse gehennæ incen-
 dium; ac deinde num in vera fide sit semeti-
 psum examinauerit, si nihil hic inueniat, quo
 certus de fidei suæ veritate possit subsisteri
 quis inquam non meritò exhorrescat aper-
 tum in quo degit salutis periculum? quista-
 to in discrimine migrare ad tribunal Christi
 non formidet? Teelingius hic nimis le mul-
 tum concessisse videns iterum pagina 230
 hanc mouet quæstionem: Cum igitur ita
 res habeat, an nihil ergo certum aut infallibile
 datum sit nobis, ad quod Iudicium nostrum &
 spiritus

Heb.11.6.

Spiritum qui in nobis operatur probare possumus,
num sit orthodoxus? Respondet affirmatiue:
Ad hoc enim (ait) conducit Sacra Scriptura; om-
ne Iudicium omnisq; Spiritus ab ea discordas malum
est Iudicium & falsus Spiritus. Quamobrem stu-
dendum est ut conuictione & collatione Scriptu-
rae dissidium ad exitum ducatur. si vlla vera fidei
firmitas haberi debeat, & vltius miser homo
procedere non valet. Itane tuas oves teque ip-
sum vento pascis Teeling? vnde nosti spiri-
tum qui in te operatur bonum esse? Quo-
niam, inquis, cum Scriptura concordat. Ergo
sine illo Spiritu Scripturam intelligis? Si
sic: ergo absque bono Spiritu Scripturam in-
telligis: non ergo bonus est ille tuus intelle-
ctus. Si autem per eundem Spiritum Scriptu-
ram intelligis, quid mirum est si spiritus ille
cum Scriptura sic intellecta consentiat? Alius
interim per alium spiritum Scripturam ali-
ter intelligens eundem suum spiritum etiam
cum Scriptura (prout ab eo intellecta est)
consentire non dubitat: certus tamen est se
suumque spiritum à te ac tuo dissentire: quid
ergo prodest si quis ad Scripturam spiritum
Iudiciumque suum examine? Sed desperans
effugium iterum relabitur in priorem mi-
seriam: Vlterius, inquiens, miser homo procede-
re non valet: Manet ergo miser homo
in fide sua dubius adeoque fidem nullam
habet. Dubitare enim in fide infidelitas est.

S 4

Quis

Quis ergò saluus esse poterit? Deinde etiam si verum esset ex diligentí ista quam Teelingius à quolibet homine exigit scripturaru collatione fidei certitudinem acquiri posse, id tamen maximæ Christianorum parti prodesse nihil posset: quotus enim quisque est de populo, cui propter domesticas occupationes vacet ita diligenter Scripturas voluere, ut omnia quæ aduertarij pro suæ sententiæ veritate tanquam aperta Scripturæ testimonia prouisiæ aut ratiocinando deduxisse se existimant, ea quoque quæ ab alio quolibet produci possent, examinare dijudicareque possint: quod tamen nisi quis fecerit, aduersarij sententiam à Scriptura discordare adeoque suam Scripturæ conformem esse firmiter statuere non poterit. Certe quid idiotæ, quibus ne vulgaris quidem litteraturæ concessa est à Deo cognitio? an à Christiana fide adeoque à cœlorum regno absque misericordia excludendi? fidem verò unde haurient? è sacris duntaxat Litteris: Sed legere eas non possunt. An concionatoribus suis sidem adhibebunt? Si hoc velit Teelingius, curet ergo primum ubi locorum istiusmodi concionatores constitui, qui omnia adue sariorum argumēta ita discusserint, ut inualida ea esse affirmare sine mendacio valeant. Dein meminerit eorū quæ capite 14. Sect 3. docuit de ijs qui vñanimēss. Patrum de re quadam doctrinam non ipsi legitime

ctione inspexerint, sed, alijs id ita se habere a firmantibus relatione audierint, tales scilicet si quod dicitur, crediderint, non Sanctorum Patrum nisi auctoritate, sed nuda tantum assueratione Ioannis aut Antonij. Si ita est, quid de tot plebeiorum milibus statuetur, qui quænam sacrarum Literarum sit sententia, nisi ex alijs audiant, scire nullo modo possunt?

Quintus ex ijsdem Teelingij fundamentis pullulans defectus est authoritatis Ecclesiæ à Christo Domino ei concessæ destruccióne, unde & iniustæ usurpationis reatus omnibus omnino sçculis in Ecclesiâ, etiam in eam quam Teelingius appellat reformatam, redundat. Si enim veritatem dubiam aut incertam nemo alteri pro certa ac indubitate licet possit proponere, ut ipsa rei natura docet: multò equidem minus cuiquam licebit aliū ad huiusmodi veritatem pro indubitata recipiendam, grauissima, & qua in hoc mundo non est alia maior, excommunicationis pœna proposta cogere. Fatetur vero Teelingius & constantissimè assuerat, nullum esse omnino conciliū, aut synodum quæ (utpote ex hominibus conflata) errori non sit obnoxia, adeo ut plurium suffragijs mendacium posset pro veritate concludere. Hoc si ita sit, nullum est omnino concilium quod certam, & de qua dubitare nulli liceat, veritatem possit decernere,

nere, quantumuis iuramento etiam assueret omnia iuxta verum Scripturæ sensum determinata esse. Fortassis enim, dicet Teelingius, ita concilium putat sed errat. Unde manifestè deducitur non licere vlli cōcilio determinationes suas fidelibus sub excommunicationis pœna proponere aut anathema dicere, id est pro ethnico & publicano habere omnes qui assentiri determinationi suæ noluerint, quemam auctoritas & à Christo Ecclesiæ concessa est *Matt. 18. versu. 17. & 18.* & omnibus fore seculis ab Ecclesia fuit usurpata: quin & ipse Teelingius eandem Ecclesiæ autoritatē etiam super Magistratum propugnat: & in concilio Reformatorum Belgij Embde habito *Anno 1571. articulo 26. 30. & 31.* quomodo huiusmodi excommunication fieri debeat, prescribitur: quod & confirmatum est in Concilio Dorderaceno *anno 1574. articulo 32.* & in alio ibidem habito *1578. articulo 93.* & 96. iterum decretum; in Medioburgeni quoque synodo *anno 1581. articulo 59. & 61.* in alijs idem statutum.

Sextū quod ex Teelingij doctrina sequitur incommodum, est, quemcumque licet posse revocare in dubium omnes antiquas hæreses umquam ab Ecclesia condēnatas. Cum enim Ecclesiæ aut cuiuscumque concilij definita sententia falsitati sit obnoxia, fieri potest ut omnes antiquæ hæreses iniuste sint condēnatae,

natæ, præsertim cum earundem hæresion propugnatores non minus fortiter ab Ecclesiæ ad Sanctæ Scripturæ Iudicium appellauerint, nec minus audacter Concilij quisque eius in quo damnatus erat, si intentiam perfidæ incusauerit, quam modo Lutherani aut Calvinistæ in Tridentino Concilio damnati, id ipsum faciunt. Adeoq; non erit pro certo habendus, hæreticus, qui Arrij, Manichæi, Eutychetis, Macedonij, Aerij, Vigilantij aliorumq; monstrosa dogmata ab inferis reuocare incepit, eaq; Sacrae Scripturæ consentanea esse firmiter crediderit. Adeoque quotiescumque talis aliquis siue vera siue ficta conscientia antiquorum conciliorum decreta reuideri & ad Scripturam examinari postulabit, tenebitur Ecclesia ei mortem gerere, & super eadem re nouas perpetuas synodos congregare; & tamen semper ita discendo ad veram scientiam nunquam pertingere poterit, nec simplici plebeculæ ullum præscribere certum remedium, quo lupos illios sub ouina S. Scripturæ pelle absque missione venientes possit discernere.

Septimum denique eadem via deducitur inconueniens; multos quoque in dubium vocari posse Sacrae Scripturæ libros, de quorum authoritate olim à multis dubitatū est, quosque deinceps Ecclesia in concilijs canonicos, non fecit, sed esse determinauit. Nam pre-

ter-

terquam quod Ebionitæ omnia Pauli Apostoli scripta reiecerint, ipsumque Paulum grecum & apostatam vocauerint (ut testantur Irenæus libro i. capite 26. & Epiphanius haeresi 30.) quod idem postea etiam Helcheselis placuisse ait Eusebius 6. historiæ, capite 27. præterquam item quod Marcion epistolas ad Timotheum & Titum reiecerit (Epiphanius haeresi 42. & Hieronymus prefatione commentatorum in epistolam ad Titum) non equelempre ab omnibus recepti fuere in Ecclesia hi libri, Hester, Baruch, pars Danielis, Tobias, Judith, Sapientia, Ecclesiasticus, Machabæorum primus & secundus, Marci, Lucæ, Ioannis partes quædam; epistolæ item, ad Hebræos, Iacobi, posterior Petri, primæ Ioannis particula, secunda & tertia tota, Iudæ, & Apocalypsis. Nunc autem cur hæc omnia apud Catholicos, quædam etiam apud Lutheranos, & Calvinistas pro canonicis diuinisque scriptis de quibus vel minimum dubitare sacramentum sit; cur inquam recepta sunt? Non nisi ob determinationem Ecclesiæ quam Teelingius decipi posse contendit. Ut modò si eam de nullo omnino Scripturæ libro, aut verbo, infallibiliter certum esse posse Teelingius sitne verbum Dei nec ne: nec enim hoc rotatus probare vlo infallibili argumento posset, si Ecclesiæ aut omnium Conciliorum indicium falsum esse posse perget statuere. Ita scilicet

seilicet ab humana quæ falli potest ad diuinā
Sacrarum Litterarum infallibilem authoris-
tatem oues suas Teelingius laborat frustra de-
ducere. Ex his ergo omnibus satis apparere
existimo hanc huius viri doctrinam ita ad
concordiam stabilemque Ecclesiæ pacem aut
ineundam aut conseruandam nihil facere, ut
potius animarum saluti publiceque quieti non
parum sit pestifera adeoque nullatenus ad-
mittenda. Cum itaque non semel idem Tee-
lingius fateatur aliud nullum se nosse ineun-
dæ concordiæ remedium, quam quod ipse in
Eubulo suo descripsit, aliunde cōsolatio que-
renda est. Nec verò ullum inter Reformatos
istos Ministros reperio, qui præter supra cō-
memorata saluandæ vnitatis consilia aliud
proferre vel potuerit vel ausus fuerit: nemini
nem inter tot Magistros & pastores qui mi-
sellis suis ouibus, tot opinionum diuersitate
distractis, tot scriptis libris, tot proclamatis
è suggestibus contentiosis concionibus su-
spensis, & vel aduersæ partis odio contra ra-
tionem obduratis, vel ex prudenti rationum
libramine in conscientia sua miserè fluctuan-
tibus, ullum agnoscendæ veritatis solidum
fundamentum, fideique suæ probandæ con-
gruam quandam rationem præbere potuerit;
Compertum habeo quosdam in extrema vi-
ta suæ hora moribundos, iamiamque ingru-
ente terribili mortis insulū, ob fluctuantem
in fide

in fide conscientiam pauefactos ex adstantibus fatali lecto prædicantibus, multaque propter plenariam Christi pro nobis satisfactiō nem speciosè promittentibus, cum obtentione ardua quæsiuisse, num si in diuino iudicio mox sibi euenturo de ist hac quam probabantur fide condemnationis periculum riretur. ipsi parati essent ad idem tribunal cœtari, ibique totum quod fuerit doctrina haec periculum in te recipere: tum vero ministros illos, bonos scilicet pastores, tū misse animas suas pro omnibus tradere, iniquum hoc esse secundus arguentes & diuinæ scripturæ dissidenteum, quæ doceat quemque in Dei iudicio pro te responsurum, suamque sarcinam latum esse, atq; hoc modo desperabundos illos homines omniq; solatio destitutos querulis votis & vocibus ex hac vita demigrasse. Misseret profecto me tot millium animarū q̄ speciosis, ventosis inquam & falsissimis Reformatorum promissis à Catholicæ veritate soliditate abductæ vel imprudenter firmatae fidei fundamentum obtinere arbitrantur, vel eodem fundamenta prudentius examinato, in arena quidem se ædificasse comperiant, in tanta tamen opinionum diuersitate quā nam se tutò possint conuertere dubitant, Hoc opto & oro primum det Deus ardens & proximum salutis desiderium. Quod si habuerint, prosequenti⁹ nostræ disputationis et